

覆軍機章京吏部員外郎名御史汪圖

鏡逸世叔大人閣下去冬今春兩接

春兩接

春兩接

春兩接

手教諭誨殷拳銘感五內就諭

異數榮膺郎宿增輝諫垣晉職苦盡甘來漸入佳境拜賀拜賀伏思我

叔迭居清要在吏部則司銓選在樞廷則職軍機在察院則任侍御此皆人生不易得之遭逢而以一人兼之能無使風塵下吏聞而汗顏昔人云不為宰相則為諫官豈非以其能立言哉今之最無謂者莫如開鐵路一事

朝廷漏卮何可勝數節財流卽所以開財源而乃與商販賈

雙冷齋文集

卷四

黔南瑣吟

一

監爭脚程之利廷臣依違而不言疆臣詢謀而僉同卽數十諫官亦皆緘默苟安闕少諫疏豈盡留中否發與何見諸邸抄之少也姪勞形案牘又僻陋在夷有何善述乃煩垂詢慙報無地姑就其稍自盡心者為我

叔陳之一修河隄黔邑因山為城團簇烟戶祇數百家西南關一帶與河為鄰前沖去良田廬舍無算客歲六月山水陡漲漫溢城廂平地數尺民人驚立水中漸及文武衙署聞報肩輿出勘為之蹙額急糾紳商推籌添禦河堆撥又復依次砌修大隄縷隄延亘百餘丈高一丈八九尺不等因經費不出不得已役用民工客冬三閱月每晨親赴河干荷甬執朴

督率興工，故民勞而尚不至於怨。又復請諸大憲，截留本地捐輸銀八百兩，爲一切善後之舉。此功一成，利賴百年。一移文廟，文廟舊在縣治之東，宏深肅括，規模詳備。光緒五年，紳衿因科名不發，惑於風水之說，移置署北山頭，孤露淺仄，創修未畢，費盡中止。神人未安，而斯處紳衿刁健，動輒連名京控。上控，歷任官爲所鉗制，明知不合，卒莫敢主移復之議。姪不避嫌怨，請於上憲，移復故址，旋捐廉償率，培修黝堊。近功將畢，神人協和，一興書院。斯邑雖陋，每試文章四百餘人，無可造之才，而大抵博得一衿，非教讀糊口，卽武斷鄉曲，刁唆詞訟，有志上進者，卒鮮。現存舉人一名，而進士則亘古未

雙冷齋文集

卷四

黔南瑣吟

二

又七

有舊有三台書院，買有田穀，僅敷山長脩之需。生童則祇春季收錄一次，餘因膏火無出，遂廢而不興。所以文理荒疎，少有成就。姪力爲整頓，捐廉獎賞，多士踴躍，復勸有義婦張任氏捐田約值二千四百串之譜，買田出息，作爲膏火之資。刻定四季大課，每月兩小課。生童肄業者二百餘人。吾道其南，庶幾近之。一恤孤貧，縣舊有養濟院，設田歲出穀京斗十三石，額收孤貧三十名，月給口食錢十餘千，因穀數無多，官爲墊賠，往往缺額不補。姪蒞任，察看情形，深爲憫恤，無法可籌。查新官到任考代書，舊有規費六百餘千。姪概擯不受，而於其舊做呈紙，每張潤筆六百之中，提取錢二百文，作爲

恤貧之需，合計通年呈紙千有餘張，約得二百千之譜，以故孤貧額加至四十名，並推其餘以及鄉間之不在此數，與貞女節婦、老病殘疾無告者，此其行之有效，可自信心者也。而有志未逮者，亦有數端。曰編聯保甲，保甲之設，十家有牌，百家有長，原以助守望而扶疾病，而斯處與北方不同。北方村落率數十百家，烟戶茲則深箐小洞，巖居叢處，隨田土為轉移。三五零星，鄰居最近者一半里，或三五里，或數十里不等。又幅員遼濶，有距縣城三百餘里，四界不相屬者，更有犬牙相錯，與湖北咸利兩縣接壤者。內賊稍清，外匪攔入，去年到任，卽飭造戶口草冊，認真稽查，嚴懲窩盜，而地方迄今仍未

雙冷齋文集

卷四

黔南瑣吟

三

能一律清靜，此其未逮者一也。曰約束書差，書之設，賴以掌案牘，差之充用以供奔走，此輩各有身家，難枵腹從公，庫司歲發口食，層層扣剝，到縣不過百餘金，而八房書吏不下數十人，兩班役亦百餘人，不就案件勒索，何從覓食，所以前任官貪黷者，書差狐假虎威，竟有一案，原被費錢已數千百千，而尙未經一訊者，亦有官本廉隅，精神不振，遂致門稿籤押刑錢，通同作弊，縱差嚙噬者，斯邑向有陋規，新官到任，兩班餽錢一千二百串，謂之卯費，房書亦酌量餽送，卽下至鄉約換照，每亦兩三千之譜，約計到任不事搜羅，自然有二千餘串之進項，但一經染指，便墮若輩術中，予以把鼻。姪一概

摺絕差風爲之一變。每聽審必坐大堂。凡民間稍有屈抑。卽可膝地呈訴。房差斂迹。然向所謂堂禮開案。具結鞋脚等費之所應有者。仍不能裁革。此其未逮者二也。曰敬慎庶獄。庶獄之興。民命攸關。殺人者死。傷人者刑。律有明條。何難照辦。而亦有難言者。縣治距省水陸二千餘里。招解一案。往返差犯口食店帳。及各大衙門使費。約計二百餘千。稍不符例。一經駁斥。所費更屬不貲。一年有三起命案。卽需錢數百串。而斯邑瘠苦。別無公款支銷。每遇命件。概行派之案證人等。甚有本不相干。或以鄰居牽涉。或以地主飛遞。種種冤抑。難以枚舉。若置命件不辦。不惟死者含冤。生者欲倖。且隱諱命盜。

雙冷齋文集

卷四

黔南瑣吟

四

大千吏議。若照例詳辦。則經費無出。無辜受害。其奈之何。所以前任每遇命件。多所迴護。卽姪亦不免徇瞻顧。查川省

各州縣均有三費局。或抽之猪釐。或提之呈詞。黔邑則地瘠民貧。無法可籌。獨有桐油一項。出產頗旺。每斤抽釐一二文。年中可餘千百串之譜。獨念身任地方。未能與民興利除弊。反藉端剝削。自吾作俑。揆之寸心。實所未安。此其未逮者三也。曰明慎用刑。刑之設所以弼教。而民皆含生。負氣。古人有畫地爲牢。懸蒲不試者。德何厚也。黔自漢唐置縣。疆以戎索。沐化雖久。而苗性猶存。姦擄搯拏。燒會結盟。持刃行兇。不法之徒。無論矣。其鄉愚無知。往往親未老。而子均分財。謂其父

曰代年兄甫死而嫂治朕榷聽其弟曰轉房甚至鵲巢鳩居夫死招人曰上門螟子羸負隨母受撫曰下堂習俗相沿視不知恥其所在刁生劣監又復包攬詞訟將無作有慣習扛幫滋其魚肉其買賣田土大都經官訊斷存有案卷方絕後患所以民情健訟每月新舊不下四五十案雖日坐堂皇隨判隨結而曾不少衰且有毗連鄰境隔省隔縣冒籍求訊者甚矣其民之好訟也周禮云刑亂國用重典諸葛武侯治蜀以嚴姪本此意行之敲扑日聞笞責動逾千數掌責刁婦有至數百者每生監上堂桀聲不馴戒飭不悛恆示押候武健嚴酷自古目爲能吏而不得以良稱有愧古人多多矣此其

雙冷齋文集

卷四

黔南瑣吟

五

未逮者四也其餘存問耆老嘉旌孝義勸獎廉恥綿以歲月或可化民成俗然精力亦少憊矣凡所不逮其何以教之大抵外官州縣比京官較能作爲倘無各大憲不急簿書月報牽混一意撫循民必有隱受其利者然造福易造虐亦易稍不檢點內而妻子外而親友下而跟丁皆足串弊前任官聲之壞未必盡由自作也姪幸免此而率皆一飽酣眠卽吾家福來哥亦寬然自得似爲衙門有用人樂天云妻妾歡娛僮僕飽始知官做爲他人旨哉斯言信可味也承

囑善視李福迎現派用印跟班執事年中分帳足有六七十金然亦不過食飽酣眠而已察其爲人自守有餘委以買辦

司藏重件，雖萬金可靠，一文不取。若以爲腹心紀綱，則未也。性傲而不能下人，力惰而不能樸作，才疎而不能料事，口拙而不能婉言，所謂家鄉僕耳，不可與言外事也。衙門習氣，大抵不能捷捷言餽，必相率緘默，能寄肺腑者幾人哉。孝卿決計歸鄉，或者宦味久嘗，不欲爲僮妾作牛馬耳。我

叔經猷素抱御史傳到，正好建言，而遽存懸車之想。姪殊不

以爲然。看來京官清品，雖澹泊尙可敷衍，外官勢要，惟道府

庶幾養望。姪債累稍可擺脫，行亦將謀歸計。民人社稷，報最

固難，卽愜心亦不易，易忝附

不棄，故敢盡言伏乞

雙冷齋文集

卷四

黔南瑣吟

六

晒鑒諸惟

珍攝不一

鏡逸世叔大人閣下清和月杪接到春正手書拜誦之下敬
悉起居佳甚以公私冗迫久羈裁答茲於純陽後十日又讀
惠函欣慰無似竊維姪改任以來在京故人書幾斷絕未必
皆存卑夷外令之想大抵情不甚親故置度外惟我

叔惠音登至字裏行間諄諄獎其有餘勉所未至此殆如宗
匠陶成卽尺木寸鐵不視爲棄物皆欲斤斧而鎔冶之使歸
有用姪雖頑鈍能無精策勉副

厚望辰維

名猷式煥

雙冷齋文集

卷四

黔南瑣吟

七

豸節崢嶸爲頌以慰前閣邸抄得悉

御史傳到旋派倉差此大丈夫立言之秋也傳競以爲不朽
我叔居中多年澄覽天下事必有疏其大者遠者而不徒以
瑣屑入告效近時之喋喋也未知脫藁已成否姪庸劣如恆
春間安集流亡省補不足爲粥以食餓者諸費籌思幸天心
有鑒入夏來雨暘應時秋收豐熟民歌大有老幼乂安詞訟
稀減庭署寂然此近况也所可慮者本境官民相安外匪時
恐攔入姪到任來捕務認真所有毘鄰積惡巨匪拏獲率置
重典望風遠颺寰境晏然第察看近來川楚教案迭出人心
不靖伏莽四起外縣三五十人結黨成羣明目張膽殺人無

忌卽黔境毘連亦復如斯不得不深杞人之憂自去冬今歲晚本城附近團練製造軍火器械按日操練延師教習懸賞獎勵復飭各鄉認真保甲齊備團勇不時下鄉點驗以固吾圉奈縣境窮瘠無米之炊巧婦難爲祇好捐廉可爲太息前此移落新文廟屋基改作墨香書院購置成都官書局佳本數十種諸生肄業其間文風可望興起近來人心似有轉移士恆於士農恆於農無復從前詐虞習氣接收呈詞較前損其大半聽訟猶人使民無訟難哉然大抵畏大車之刑政非真有虞芮質成之德化也其餘隨處整頓細無足述債累萬金已銷去大半約賸二千餘金之譜緣川省缺分肥瘠不在

雙冷齋文集

卷四

黔南瑣吟

八

平餘在稅契旺則官可充裕卽如黔缺稅契錢價較常五六萬七八萬每萬官收錢五百五十串除每年繳正欸銀三百餘金外概歸私囊然每年按缺之攤派各上司之應酬以及署內之日用火食幕友之薪水胥於是乎取給別無行戶支應以故僅符用度難期於賸厯計前任罕有至十萬者突去歲飢饉變業者多加至十三萬有奇今春亦暢旺至七萬之數故除用度外得以彌補巨債或者冥冥之中借此以獎廉隅然以民所萬不得已者官乃因以爲利捫心殊深慚慙今冬年景十足稅契不逮遠甚約來年便可將尾欠消清矣至調劑優缺一層徒存奢望兩年來頗蒙本州故牧阮何兩直

刺賞鑿密以廉能保薦奈距省窳遠聲氣不通大吏縱有風聞情面居多別有近水樓臺未必不目爲遼東豕也姪思與

民相安致足自樂古人有以郡縣名家長子孫者何渠不逮債累既消俯仰進退便可自如耳

戒叔改就佐貳猶是不欲以腐儒終身意然讀書本面細思閱歷雖深究不能自改也未可知望缺否孝如蜚聲翰苑足爲吾邑光祈同荆震生部郎致好俊卿川資想措就赴省矣如尙短少我未

叔大力挽之姪肩其半可也翰卿丁憂在意中失耦則出乎意表中年多故人生類如斯耳姪內助有人然可與共安樂

雙冷齋文集

卷四

黔南瑣吟

九

非椎髻梁伯鸞妻也近自顧年閱四旬有四繼娶五年孕育無信不得已方從湖南常德府覓得一妾年甫十六人事自盡茫茫者正未可必矣南中卑溼賤軀感受風熱邪氣衝耳肌膚生瘡精神漸不如前蒙

委購風簾條脫久已在心因本地烏有又距省二千餘里非親信赴省不獲將事已於七月間飭計吏代買不日定可轉回容得便奉

上請封典一節石慎亭已辦妥祈紓

塵念蒙莊云逃蓬華者聞人足音蹙然而喜姪僻在遐荒離

索與感每奉

佳音喜動顏色，卽作答，亦不覺其意之瑣言之複也。來

信已節次籠諸碧紗，奉爲圭臬，伏乞

教言時，賁俾心有傲惕，爲感。手此敬覆，肅賀

新喜，順請

升安。

雙冷齋文集

卷四

黔南瑣吟

致平定州刺史葛

公祖大人閣下敬稟者

章隸

幘幘五年於茲矣，未嘗肅一函以候

左右，疏懶委頓，一至於此。清夜循省，慙愧無地，恭維

政比秋清。

恩同月滿，逃聽

聲教，邑邑傾心。

章

羈職黔江，無善可述。幸秋成在望，民和年

豐足，慰

慈廛，頃接家兄來信，忻悉

大君子培植人才，獎勵後進，慨施鉅款，購置書帙，復飭紳董

勸諭四鄉各竭綿薄共襄善舉此實艾郡亘古未見之功德亦卽後進三生有幸不世際之遭逢也凡在編氓同深感戴况廩科名敢悞盛會伏維平定科目甲於山右鄉會試輒連翩競售而曾無一通儒碩彥足以黼皇猷而開來學以銘諸竹帛藏之名山傳之其人大都空疎無補內而部郎外而牧守最下則以一官一邑小試遂沒沒以終老其不爲窮困所累卓然以勳名學問見者惟陳勿齋張石州先生兩人耳談何容易年來博學翰林院編修歷城李汾翁主講吾州諸生飮其口講指畫者率知所趨向各有法度可觀今得

大君子格外提唱俾益貫穿於經史諸子箋註百家務專爲

雙冷齋文集

卷四

黔南瑣吟

十一

根柢之學而不必講漢學宋學之門戶此日之格致誠正卽他年之經濟文章其嘉惠詎有窮哉章思羣書大宗莫要於圖書集成上海點石齋新鐫每部價銀約二百兩雖字板差小而煌煌鉅觀頗不易購章願損買一部存詹大有墨店此邦係

公祖梓鄉必多親故可託作何運津以及到州盤價祈另籌畫抑再有懇者州學類多寒賤每遇鄉會赴試輒東借西挪費盡心力仍囊澁無餘能使英雄短氣所以文戰每至索興卽章前亦身受而瀕於困殆者屢矣因思

國家興賢進能宜有體恤擬措一賓興會俾赴試者有所津

貼亦因以昭激勸但非四千金成本生息不敷支用州境饒於財者何限祇三五人慷慨餘多方集腋以成大事濟矣章甫脫債臺力非能逮也獨念不有人指困以倡又誰肯附和擬勉捐銀五百兩伏乞

大君子鼎力整頓飭城鄉豪富仕宦之家一體樂輸以企衆

擎易舉必足四千金而後止何則章先人做廬不過數椽薄

田不及百畝尙思勉竭駑鈍高高閎厚垣衣租食稅累代書

香開設典鋪列滿市廛者宜何如鼓舞以感發而興起卽以

此項出放殷實鋪戶如錢行之恆盛公積裕公宗和恆等號

估衣當行之增益盛三元錦同盛公等號俾按月以八釐銀

雙冷齋文集

卷四

黔南瑣吟

三

八八

行息取具連環保結一有虧空衆號填還約至三年可獲利銀一千一百五十二兩以九百之數歸會試以二百五十二歸鄉試鄉試約計不過百二十人每銀一兩易錢一千六百計每人可助三千三百餘錢會試人多不過三十人每人助銀三十兩如人少照利銀酌量加給遇有恩科通融辦理鄉會試有得力經理之人卽以到省到京發給爲妙如無其人遇試一體赴房報名由官核准憑書院經理給票約期給發首事必須紳商協辦如領幫項不赴試並不繳還者以下永扣不給遇閏利銀多三十餘兩可否作爲經理口食以及禮房一切小費仍稟明上憲立案垂碑勒石非遇試期不准動

用其有紳董通挪者以監守自盜論罪如此則行之可久廣
厦庇材歡忻鼓舞必逾尋常有不力圖上進仰副

宗匠陶成雅意者哉章不揣固陋率陳瞽見未知可備採納

否如以為可行祈將此意面諭公正紳衿如王筆如先生耿
香亭張芝綸等妥為籌商及時舉辦一俟措有成數章即將

捐項由京滙平決不食言是否有當肅丹敬請

鈞安統希

賜教不宣

雙冷齋文集

卷四

黔南瑣吟

三

18

賜教不宣

許郎由京郵平決不食言自有其旨當嚴其難語

香亭張芝綸等妥為籌商及時舉辦一俟措有成數章即將

否如以為可行祈將此意面諭公正紳衿如王筆如先生耿

香亭張芝綸等妥為籌商及時舉辦一俟措有成數章即將

許郎由京郵平決不食言自有其旨當嚴其難語

許郎由京郵平決不食言自有其旨當嚴其難語

覆平定州葛

敬稟者臘初接讀

教言並州志補及官署石刻一紙拜誦之下學海汪洋書法古奧俱當於董賈鍾王魏晉以上人物中求之非復時賢所能及不禁汗流浹背焚膏繼晷且感且慙自維讀書半生出宰一邑措施亦不肯後於恆人惟未能如

大君子之精力彌漫經綸裕如之爲無往不宜也伏讀晉省礦務一策上下今古於中外情形大局論之如燭照數計故足動憲鑒之採納而消患未萌使州境不受洋術蹂躪生生世世食德服疇則是大有造於斯邦也何幸如之竊思天壤

雙冷齋文集

卷四

黔南瑣吟

酉

間農工商賈及凡百執事各有職業相生相養所謂勞心治人勞力者治於人自洋務興而中朝大官競與百工賤役爭一切之利以爲與洋人抗衡力圖富强豈知洋人所爭在到處設立埠頭以彼之母權彼之子也中國所爭祇就中國權衡挹我之膏注我之脂也亦失算矣自來國家治平在與民休息乎無爲陳丞相問決獄不知問錢穀不知曰宰相爲天子理陰陽順四時育萬物之宜使卿大夫各得其任使今正朝廷以正百官正百官以正萬民朝野上下力除因循積習察吏安氓實事求是何患民不富庶民和於下則天應於上年穀順成錢糧徵足無水旱之災議蠲議賑又何患國帑之

不充不此之務而設機局修鐵路無論有乖王公設險守國之義此役一興武漢淮徐一帶先暮然不靖矣管窺蠡測未知是否承

示圖書集成汜濫無歸不如正經正史之爲要旨哉斯言昔韓文公文起八代之衰原道原性等篇已能窺見聖學而朱子王氏續經說謂不如文中子之致懇惻而有條理亦卽此意謹遵購廿四史一部大板十三經註疏一部由滬寄津陸脚送平所有脚費卽託友號墊支無需再給約於清和月杪可以呈

電祈紓

雙冷齋文集

卷四

黔南瑣吟

五

廬念公車計借之費蒙先

籌及感荷所惜者後生小子半累寒峻恐有負

大君子之培植觀脩學宮葺公署葺南天門坡鑿湧雲樓石皆極一時之盛木石與有榮何況人爲物靈孰不被恩澤而

大豐美

章

尤所欽佩者勸學藏書諸作語語根柢六經言

切於身心非撮拾家所能望其頂背近來數學爲驚人之務爲之清出源淵以易之一畫開天及兩儀四象八卦分爲六十四卦散爲三百八十四爻該之足以壓倒元白惜

章

遠官

他鄉未得朝夕奉

教多所開益不勝悵悵耳猥以區區過蒙

來書獎飾彌覺赧顏南中風氣衰薄訐訟不休年來疲於聽斷目眩頭暈學殖益荒得讀

大箸精神爲之一爽所有遠志齋文集祈

賜交舍下便寄快睹爲盼公私尤迫

恕不楷寫復請

鈞安不盡欲云

雙冷齋文集

卷四

黔南瑣吟

未

致冠山書院主講李汾生太史

汾生五兄大人閣下臘初臘尾接讀

雙魚並各局書目單一紙知

垂念於後學者切故不惜往復商訂希求一是鄙意之所以

購圖書集成以價值雖多做治煙房在上海設有庄口滙撥

請託較爲容易若他境則費周折不能簡便且彼俱係行外

人種目太多責以到處購求亦恐未嫻茲遵議仍在上海購

定石印殿本廿四史一部裝箱運津再函商候補司馬王逸

戒先生就近在津門購十三經注疏一部一同陸運至州所

有價值盤脚俱由弟處先捐廉付給清楚約於清和月杪可

以呈覽其餘各種書帙待購祈仍商同
子材州尊及各紳籌議州中士學儉陋得吾

兄多方提唱十數年後必當俊髦蔚起爲邦家光何幸如之
承示鵠原抱痛熊夢未占人生中年多故不得意之事十居
八九大率如此伏希
善自調攝排遣以儲日後大用之資以副多士宗師之望不
勝盼幸之至此覆卽請
教安不莊

雙冷齋文集

卷四

黔南瑣吟

七

致張翰卿比部

翰卿宗兄大人閣下頃接

手書知由榆旋里

起居佳甚爲慰儕輩中率多乏嗣

兄獨有子克家堂構相

承令人羨極來

示與
汾兄意見相同勸捐購正經正史

弟

亦初無成見不

過因

子材州尊培植逾恆激於一時意氣故欲設此煌煌巨觀然
汜而無當不如

兩兄專爲誘掖後進起見致懇惻而有條理也謹遵購石印

廿四史一部大板十三經注疏一部二美既具餘容後圖此
實借鄴架曹倉彌我空疏非云沾旣後學秋後進京上斜街
陳宅寄有弟存器具可以酌量搬用卽前之石砧亦在彼處
弟在黔爲治祇是一箇不惜心力不妄索錢故易見好流俗
然時披讀循吏傳以自鏡津津汗下未嘗不愧於厥心也以
故競進之意多近以精力就疲老將尋至雖得女妻無如枯
楊之不能生梯奈何此覆卽請

除安順賀

年喜

雙冷齋文集

卷四

黔南瑣吟

六

送范壽珊歸里序

戚友范君壽珊之來襄予幕也以光緒十四年八月就道由
晉而陝而川而巴東陸行三千餘里水行亦二千里凡旅次
囊橐口食鉅細莫不爲予經紀且經紀之無不當比抵署與
司會計張君雲樵協心勾稽量入爲出手訂簿悉有法度可
循故予雖廉平而財得肆應不匱又予性躁急時有所發怒
君以理規正雖不盡聽而匡益良多先是君業農翰墨籌算
非所長自此乃日手顏魯公多寶塔帖臨摹之務尙而算學
亦精進法實運用無不如意十六年春夏縣境荒甚民艱於
食予開倉賑撫五日爲期君主春米日與僕隸從事斗量間

不少懈諸紳開平糶局見君之耐樸勤而有條理也亦延入局以相助按日口授凡兩月餘見新而後已全活無算則是君能大有造於斯邦也壬辰秋以母老歸省於吾州之西峪村子既盞送臨歧作別爲贈言曰嗟峪之樂兮樂且無央挹陽泉之春色兮覽西峽之流光背禪巖而戴蒲臺兮登獅山以乘夕涼斯中惟子之室兮可洞可房上有土而下有田兮以耕以桑悵白雲之封戶兮行將慰乎親望維兒童其候柴扉兮訝客來於何方予慨局促而莫從駕兮因潛焉淚下

雙冷齋文集

卷四

黔南瑣吟

五

趙雨人詩序

邑孝廉方正趙君雨人以其生平所著詩都爲二編問序於予予冗迫未遑畢閱也旣趙君將赴試促予爲數言弁簡端以壯行色予維詩言志者也志有所之形諸歌詠肖其志而已不必遽以詩鳴更不必刻意求工如郊寒島瘦也詩三百篇半權輿於國人女子之口有何詩律而耐人咀嚼古詩十九首率臆而出有若天籟陶靖節詩冲淡無與匹皆以其真也則皆得乎性情之正者也自詩律愈精而愈失其真矣今趙君之詩猶古人哉爛漫天眞瑜不掩瑕有不得其平則鳴譬諸盛唐元白流派也而神雋稍遜矣然趙君之性情以此

見卽人欲交懽於趙君味其詩而其人志趣可見矣則趙君固工於言志卽工於詩者也惜不得和其聲以鳴國家之盛徒使老於巖阿借江山花木以助其詩豪是亦可爲趙君悲然趙君行矣陽春白雪和者雖寡流水高山卒遇知音吾將於此行卜之也趙君勉乎哉

雙冷齋文集

卷四

黔南瑣吟

三

同門王君慕岐來游記

癸巳之夏日炎晝長公餘小憇意懶心慵略焉若喪忽傳有同鄉故人王君來謁者審其刺茫然莫解其人命詢里居曰州城南問狀若何則衣短布衫束褲坐二人肩輿手木匣一別無行李心竊訝之旣而釋然曰此吾筆如先生門下少年先後與吾爲同門生昔曾介葛曉峰硯友偶一通財而未與吾索利者也然僅謀面從未通音候予忘記十有五六年矣何爲至此急令開門延客予倒屣而迎執手慰勞有若生平茶飯後相與話舊細詰其來意曰近年家計頗不適客歲設帳津門以居停遷官故未與偕而南來又船行漢口遭風波

行囊盡覆沒殊狼狽因假川資於宜昌李興隆店乃得至此
予曰嘻危哉此行也斯地蠻煙瘴雨陸行去吾鄉四十餘站
水行大海長江茫無際畔所在皆不測之淵而宜昌以上山
路崎嶇尤爲過越者所畏阻何子自輕如此則云欲作寓公
求筆墨生活焉子曰敬諾然子憊矣可少休急命爲之理牀
帳設茵褥更衣服而安息焉居數日意王君必求經史親筆
札日討論乎翰墨舊聞乃首謀買阿芙蓉膏始知君多煙霞
癖終日倚牀臥吐故納新有若神仙中人旣又親呼縫人作
衣服料必絲綢色必豔麗又若富貴中人予竊計曰予羈此
邦五年食無醢醢酌無酒漿夏少瓜李之沉浮冬鮮葱菘之
雙冷齋文集

卷四

黔南瑣吟

三

川文

蓄積衣以布而常用舊冠雖敝而難易新其早作夜思得與
榛莽之俗和光同塵而相安者以能破除積習故也慨雖薄
宦有同謫居日夜望得一鄉里同志昕夕與處暇則談心道
古形骸兩忘以匡吾不逮今王君乃若此是以居甫兩月力
勸王君乘八月氣猶微和而返棹焉嗟乎予愧不能如孟嘗
好客而王君乘興而來亦興盡而返無淹留於僻壤遐陬亦
焉往而不自得哉用爲記

亡友何張任三君行略

壬辰春月侍御王公鏡逸自京師走筆於子曰何應箕張佩程任勵亭均作古矣子接閱感泣者再之三人者年齒皆差長於子相與爲忘年交亦或爭先恐後同場角逐時傑出而與王公爲文字友故王公惜後起之半就彫零以數言寫其幽思而子於三子尤不能漠然無介於懷也應箕何氏名之煌貌頎而長早歲有名庠序丁卯夏子初赴省小試得識其面旣而癸酉鄉舉爲同年生益諗其爲人性好修飾嫉惡不少容作制義警老以此譽滿晉陽名動大府時以其文與張君佩程相頡頏佩程名箴性敏捷擅風騷博學能文嘗從子

雙冷齋文集

卷四

黔南瑣吟

三

師李少紀先生讀先生目爲翰苑才同治十二年得拔萃科明年廷試一等以知縣用不就求補教職欲以科甲上達如初志先是同鄉諸名宿聯登瀛文社子亦廁其會佩程獨喜子之樸質可任事也計偕旅寓必共飲食出納日用之司一以諉之而無所聞問任君勵亭名季箴中庚午科副車子在王筆如先生塾中見其恆與先生遊處固已識其爲人矣癸酉春約子同車赴省肄業任金姓院恆發憤夜讀不輟盛氣咄咄逼人有所不可輒髭髮立然無城府以爽直待人故人亦樂與親厚子每畏其丰采駿厲以爲功名必不以副貢終而竟已也惜哉夫人生如朝露百年亦瞬息耳古人一死

生齊彭殤視命之修短如日月寒暑之代謝而不以動其心
若三子者揚名生前考終牖下固亦無憾矣未知孰爲行略
以銘其墓足備志乘採擇否而獨抑鬱於予之懷也故論次
之如此

雙冷齋文集

卷四

黔南瑣吟

三

李公

諱

慕踐行略

予任黔江之四年時光緒十八年也夏六月家大兄信寄於
予曰母舅叔孺公終矣子潛焉淚下繼思親串中能撥筆爲
文記公之生平者不概見公又素契重予常垂教誡是不可
以不記謹記之曰公姓李名慕踐字叔孺外王父蕙田公之
第三子也外王父舉丈夫子四公性最開敏總角從明經張
翁讀能記誦講解入孝出弟及洒掃應對進退幼儀雖小子
有若成人及長受業於鄉先達白捷卿先生門下先生久名
宿非卓卓有造材未易許可而公甫經指畫文思輒進每課
文藝冠曹偶先生喜謂採芹如拾芥旣而屢試屢蹶外王父

年又老朝夕須奉侍不克負笈遠遊乃援例授國子監太學生以慰親心不數年外王父辭世外王母哭失明不耐食指煩甚命析炊於是公以一身仰承萱闈中持家政俯畜嗣子備嘗艱辛又以式穀謀殷乃設館地教授子孩提時從母嬉於外家登其堂愉愉如也顧其室申申如也入其塾斷斷如也教讀一以正蒙爲務四書五經外兼及治家格言與小兒語採朱子近思錄小學諸書擇其語意淺近尤爲童子所易曉者爲之講解說法務令口誦心得不沾沾以帖括爲工暇從捷卿先生次子印先孝廉交遊切磋琢磨益宏博淹貫於書無所不讀而尤精韻學平上去入四聲某字在某書宜何

雙冷齋文集

卷四

黔南瑣吟

五

讀辨數之纍纍如貫珠每有會意輒形爲詩歌厥後以印先良友之亡也痛考鏡無人遂焚其稿故不傳於世然撰楹聯及屬對多巧思憶其門前春帖有云僅容旋馬敢比登龍蓋寓姓於中且以文靖元禮自況也他類如斯嘗謂子曰司馬文正公生平事無不可對人言此七字汝試謂何字爲要子對以無字公曰在可字耳不然如世之不能流芳百世卽思遺臭萬年者彼何嘗不侈口語人自詡坦白哉子益服公之學博且精時時從之就正暨子宦學京師又屢賜書規勸嗟乎子幼失怙乏庭訓因公愈自奮勉其所以成就予如此而公之爲人可知矣公孝性成喪祭盡哀禮友于於弟垂老不

變故足厭塞人望爲一鄉保正多年沒世人猶思念云德配
石氏子三長同庚次□庚次和庚女一適張氏與□庚俱先
公逝公以道光□年□月□□日生卒年六十有□歲以光
緒十□年□月□□日葬於□□先生墓側其外姪張□□
頓首揮淚拜記如此云

雙冷齋文集

卷四

黔南瑣吟

三

翰林院庶吉士望都縣調任清河縣黃君行略

平定文風甲山右而科名鼎盛焜耀爲一州望族者曰黃氏
李氏李氏自前明及國朝乾隆嘉道間蕊榜競發每鄉
會試聯翩獲雋者恆不止一二數今則稍稍就衰矣而黃氏
爲盛其與吾角逐名場先後登甲乙榜者曰孝卿樾卿小松
石卿而孝卿才學爲之冠孝卿之祖曰步堂先生名能文尤
長詞賦登進士第其伯祖曰翼堂先生以庶吉士爲縣令江
南得其清淑氣作文援筆立成罷官後專以文章提倡後學
其殘稿賸頁至今快炙人口孝卿躬明敏之姿承先人餘業
未弱冠有聲庠序同治寅卯間子就傅城中夜聞高歌讀秦

漢文者恆漏四五下不輟其聲若出金石旣而審爲孝卿攻讀閒從攷課謀其面風致翩翩英發之氣溢於眉頰心固識其非常人矣歲庚午果以高等舉優貢生明年廷試一以知縣用例扣留歸省復尋舊業於是學益進名益振一時在省官吏士皆慕與之交其館舍屏幃及所握扇筆率出其手跡蓋孝卿固素工於書也癸酉以鄉試中十三名舉人闈墨旣出清華朗潤揣摩家奉爲圭臬而予亦得附驥尾爲同年友居恆交益親時以學問功名相切劘而孝卿才不羈予每事不逮遠甚丙子孝卿捷南宮入翰苑旋丁母憂庚辰散館授直隸望都縣令繼以籍近調任清河夫以孝卿之才眾

雙冷齋文集

卷四

黔南瑣吟

三

意必置身詞林漸躋卿貳與稷契臯夔同贊聖明卽不然日夕與館選數百輩含毫較藝會逢一時之盛出爲星使持玉尺衡量天下士亦足自豪顧輒不偶委下吏於風塵眾固知其才大未必屑屑爲簿書效用而孝卿果以報最不爲上游所薦達偃蹇自劾以歸就聘昭餘講席諄諄以誘掖後進爲己任蓋其淡於利祿而不沒其初志有如此也數年來間遠通書記與予相慰勉今聞其五月望日卒赴玉樓爲二豎所召也惜哉孝卿名汝香性淳厚能符其名與字行二美丰姿善談論好推解歲以宦資周其戚黨原配陳夫人早卒繼配某無嗣以光緒十九年五月十五日卒於昭餘館次記生於

道光二十四年甲辰之歲其同年友張□□約略狀之如此

雙冷齋文集

卷四

黔南瑣吟

三

狀副室楊氏

予妾楊氏貴州人因兵荒年九歲由其家鬻於廣東歸吾鄉
大挑縣張公署中性樸壯操作不避塵垢以故主人愛而弛
之隨任之雷瓊等處廣省俗繁華凡家人婢子率衣綺羅饜
梁肉間則博陸圍星深染仕宦習氣既張公以老乞休隨歸
淳縣又從其少主人至京師歸予時年二十四矣貌中人愚
梗不受善言每有拂意便聲訾作蠻語故與予多反目而相
頗宜男不葺月竟舉一男又不善撫字覓乳媪育焉時時謂
予宦場美衣鮮食寵庶奪嫡如斯者目所恆睹汝乃一官澹
泊不能爲助蓬人吐氣反據禮義正名分作腐儒態殊出人

情之外予領之不介意或不勝其厭聒至加鞭撻然總以其生男也而寬貸之男豐額廣頤頰福者相卒以鞠育未善急驚風而亡而妾亦病且殆以光緒十三年夏四月二十二日卒於宣武門外上斜街京寓昇柩歸里權厝於白草堰先人墓側距先室周宜人之亡十閱月後幼孩之殤僅匝月有餘先長女珍姑之卒甫一年有半接連成亥子三年之間妻亡以六月子亡以三月妾亡以四月女又亡以八月人非木石重罹此厄能爲情哉略狀之以當倚戶之歌

雙冷齋文集

卷四

黔南瑣吟

哭

哭適石氏長女詞

父白長女地下嗚呼死生別矣而女之儀容笑貌宛在目前也女自幼性婉媚寡於言語時有丈夫氣形諸眉頰間身故弱疾痛時發予以奔走衣食頻年在外未遑子女偶值歲暮脫館歸故里燈前夜話時或訓女以字義兩然不出口如不能記憶者已而別離經年言次叨女舊聞則某字何義某音何訓十能舉其八九猶憶壬午秋杪予由昭餘旋里將北上爲春試計家居十數日適女妹生女來伴牀榻年甫十三定省甚謹每當雞聲唱曉輒睡覺呢呢作諺語道鄉里故事婉而可聽厥後予留京師供職不遑問女于歸事旣聞女翁姑

稱女賢順子心釋然以爲女生不作門楣猶幸免貽罹也會
幾何時骨肉竟歸於土耶傷哉女幼吾不與撫字女嫁吾不
與結褵女卒吾未就其寢而臨其穴自女母乙酉歿後吾知
女必痛於心慨慕思想誓以身殉然竊謂天壽自有天定毀
而滅性人耶將由天耶予以不得志於京職改官赴蜀聞女
疾革晨夜促裝就道冀得一觀女病羸狀作惻惻別何竟左
以三日而不吾待也將造化不緩須臾耶抑恐吾覩女狀而
倍加痛惜耶將樂從女母於地下願以死易生而遂其天性
耶抑吾之厚待未能而沒齒猶與吾相違耶聞女彌留時祝
少延時日冀得一睹女繼母之面退而瞑目無所恨蓋猶望
雙冷齋文集 卷四 黔簡瑣吟 五
吾獲良內助稍可放心於地下女之心吾盡知也嗚呼傷哉
吾勞碌半生今春秋四十有二矣膝下無亢宗子方冀女與
妹歲時歸甯藉以慰老女逝而女妹更弱吾能遺於懷耶明
知幽明異路晉蜀隔境言之而未必女聞卽聞而亦不能予
告然獨不可夢魂依也是用隔七千里揮淚寄一紙以告長
女之靈傷哉

予任黔江四年庶事畢舉民和年豐癸巳春正訟案益
稀日閒無事督修軍器庫成率吟六十韻直抒胸臆
非以詩鳴也邑士人憇惠勒石附壁以紀事

予來令黔江百凡蕪不治河流齧城脚 聖宇沿坡置書

院頽文風春錄收一次問何不勤修云款告空匱嗟匪異人
任職予亦來旣急糾紳董商權爲隄防備間日射圃巡宮牆
整值閱膏火慨捐施巾幗深明義三者一時興躊躇寢不寐
己丑之季冬奉 聖安故位廟貌輝且煌人和神集瑞獎

賞次第添月課裁有二人文兆化成山火象諸貴獨此河淼
淼程功苦非易將欲鳩民力風霜敢予避戴星先民出馨鼓

雙冷齋詩集

卷四

黔南瑣吟

三

督聲肆手鑄肩圓篋彼婦晨炊饋民力亦云勞我躬匪獨賴
幸蒙上台鑒鉅款撥歸地從茲電勉圖一律金湯致何期庚
寅夏天變出不意頃刻鼓洪濤垂成蛟龍忌望望蕩且平前
功幾盡棄獨有大石堆中流存復歸予懲愆後患鑿石層層
累盤結而堅牢壯士奮屨最罅隙洩彌縫竹木團土埴長堤
二百丈蜿蜒轟不破單闕暨執徐築年經歷四辛苦不爲名
存心在撫字壯哉柳子亭百行孝先示膏如貞女田名節亦
表異火患防未然曲突購多器團練仲冬閱新標漢赤幟劍
戟刀槍並日久恐廢置不有庫收存那堪復露積歲在大荒
落陬月春明媚如亭培八角未成愧一簣詎荒度士功澄清

猶攬轡迴憶十六年饑荒堪涕淚斗米值一金商販梗不至
四野遍嗷鴻號呼無噍類急賑以開倉兼設平糶議城內及
廿鄉口糧均普被豈少委溝壑可憐老與穉貧病尋且死具
棺爲埋馘一心祝平康中夜徬徨伺偶聞秋雨淋黎明卽驚
悸仰賴覆載恩豐穰頻年萃紅陳百室盈停牛九十牯土物
乃心臧術業競言肄買書儲墨香生童經史醉不徒奮功名
明道兼正誼寂窮山居斷斷魯洙泗被褐懷珠玉無復青
衿刺政通民逾和子足良展驥豈以勵官箴家聲庶不墜庭
空雀張羅府靜蜚飛翅陶然一曲琴更判仙凡吏所遜謝未
遑待修縣中志

雙冷齋詩集

卷四

黔南瑣吟

三

甲午春暮奉檄赴彭會審盜案屈計已三次矣憫念生
民愴然興感俚句呈彭令李梓恭明府

郁水從北至延江向西流環城一何濶洶浪日悠悠取楚商
於地張儀此沂舟赤甲軍三千選鋒興炎劉蜀漢涪陵郡李
唐古黔州其民多暴桀睚眦怨相仇烏合動百輩鴻毛視斷
頭豈云含氣異胡再不思謀山色摩圍壯川濤葵邑侔血性
使之然一劍輕唱酬承檄嗟予拙來茲三度游哀矜亦徒爾
不蔽慘要囚一命復一命相償何日休龍門幸今接情罪務
當求生死期無冤王綱凜霜秋懿惟龔渤海佩戴憤與牛鑄
劍爲農器民祇服乃疇政寬以濟猛摧剛使之柔鄰壁且分

光花封鞏於甌一何民有幸天遣寇君留

梅子關懷古

咸豐紀年歲辛酉粵匪由黔竄江口蹂彭出涪覬巴渝被創
迴向郁山走黔江一旦聞警報文武滿城謀戰守僉疑茲地
屬偏隅劇虜不來作淵藪諒爲土寇逞狂狡勢將殲滅如拉
朽急使偵探建旗鼓梅子關前杜羣醜都閫譚公策馬先俞
某少尉隨其後營伍百餘散不整帶團仗役李香手糾多市
井無賴人未見敵臨空自吼須臾螺角一聲吹驚動深谷與
高阜長戈利矛直前揮捷如猿獾噬癩狗新軍那堪敵猾賊
况復翻坳腹背受襲時大眾同奔潰師遂興尸譚喪首時際
雙冷齋詩集

卷四

黔南瑣吟

三

八月秋氣涼中秋越四日十九壞雲沉沉黯無邊惡氛冲來
城郭黝聞道堅壁清野議先事運籌有李叟又謂哭宜效秦
庭請兵應援夫糾糾如何倉猝不見聽坐視生民被脅誘環
城百萬同刼罹仁而不武慙眾母嗟予傷古生且晚談兵空
自酌樽酒亭子關下黔界分郤敵宜從郁鎮右出奇制勝併
力攻燔其軍仗焚其糧扼險固守陣雲屯水陸遁逃敵易負
縱匪深入腹地中必死之心賊人有君不見天水隗囂誤於
丸泥封當關誑說膽如斗

遊國公厓

邑人爭說避兵處八面山厓高可據我來瞪目徒悵然且郤

且前行不去鼓眾昇梯捷欲升攀蘿附壁力難勝甫著木屐
踵先決撰杖空勞削健籐徘徊四顧推其故患難承平各有
數昔時惕息過來人今見嶄巖亦無路聞道勝朝涼國公帥
軍屯此凌天風大旺散毛征且遍四豪膽落失其雄成功不
會泐諸石空見懸厓翳雲碧山號古木紛槎枒猶是將軍森
畫戟歲逢辛酉八月秋粵匪竄黔肆虔劉百數婦嬰潛匿此
笑窮賊技空探頭予謂非賊不能上藍公靈爽憑保障飛沙
揚塵日已曛幻作金城萬千狀尋幽不避虎與豺險仄荆榛
處處皆明代江山無寸尺芳名猶指國公厓

詠菊

署穿堂東偏露圃一幅沙積土淺闢種菊數
百本秋暮始花繁溷無一成妝者因以寄慨

雙冷齋詩集

卷四

黔南瑣吟

三

萬彙爭妍紛奪目九秋乃放東籬菊佳名自古隱逸稱養成
宜貯黃金屋清比春澗之素蘭挺如淇澳之修竹獨抱孤芳
天地間香沁鼻觀薰馥馥裁衣君子服作枕雅人宿重陽陶
公載酒來竟日流連儘往復分明晚節與秋容繪出高尚圖
一幅如何託根不自卜露圃荒蕪同菽菽春隨薇蕨爭雨沐
夏共蒿蓼禁日暴納汗含垢資灌溉拳曲擁爐自長育何曾
傲骨凌清霜空見繁華堆千簇黃白紫豔鬪妍媸取悅庸俗
飽眼福雨晦風瀟任顛仆花隊時供貓兒逐落英偏教雞公
啄煩溷偃蹇不成名插髻貽笑頭並禿從無一人愛而掬嗟
哉爾菊非凡木何不避地棲幽谷

雙乳虎行

邑西八面山虎忽爲患急捕不得癸巳秋二小虎飲於河被農民擊斃患遂絕

吾聞南山白額虎三害不除愁編戶豈料城西八面高負隅
巢穴更雙乳肥身種子異其心吮血摩牙噬且擒逐逐多欲
偵薄暮耽耽不露踞深林年來虎患行人久駭慮難挺而
走見者立虞飢腹中伊誰攫搏如馮婦癸巳歲逢八月秋農
收隴畔風颼颼么麼亦自奮長舌行步從容不掉頭一虎隨
田與上下一虎飲河趁遨遊兒性天真猶爛漫那復畏人便
狂竄搖尾逐隊求食來火烈忘機公叔段鄉人見之怒且驚
鋤耰杖甬盡刀兵墜星胃昂沈西宿沒羽將軍射北平誰知
困獸猶能鬪出目厚腰伸短脰怒生撥爾奮爪牙竟遍傷人

雙冷齋詩集

卷四

黔南瑣吟

五

臂左右人傷虎微虎不支彼猶舐談裂長髭疾馳幸併道捶
斃材武重歌種禡詩私豨不知公所獻割肉分羹憑力健弱
者履危強食之不均糾集來鳴怨我聞打虎驚且吁判驗扛
攏膾半軀骨節頭睛全血沒拊其皮毛捋其鬚虎哉虎哉何
不慎爾乃山君百獸震一朝縱子殃民間竟使雙昆喪胸臆
異政曾傳虎渡河愧予無德豺狼多天開陷阱翦爾類示警
將毋猛比苛予謂虎兮宜遠避雄長莫抗天子吏獨不見有
唐刺史韓公驅鱷魚至今載入潮州志

送同年趙君廣文之任納溪

瀘水迢迢去懷君賦索居匆忙新宦味著作等身書捧檄毛

增喜挑籠病霍如志修猶有待早返故園廬

贈趙君虎膠一元四韻

虎節宜山國投情賦漆膠臬比君子座易飲大人爻鹿角煎
奚似雞鳴聽不滄十分徵火候公學富犧庖

秋日登八面山步前令孟公元韻

光緒十九年秋予與

廣文陳君及李鵠臣莊六坡二生偕遊八面山食於
茂才楊生家飯後遍游山厓鐘山頂一徑荆棘新闢
刺人脛蹀艱危異常然游樂甚夜分乃
歸聞前任孟公有游山詩因而和之

拽得藍輿上行行石徑微山高驚鵲起樹老香鴉飛結伴攜
黃酒尋幽勝菊衣秋雲低薄暮猶自樂忘歸

勝蹟藍公杳秋風我自來鐘山明夕照黔水壓城隈齊營諸

雙冷齋詩集

卷四

南瑣吟

三

峰小蓬蒿滿眼開一輪明月好扶得醉人回

疊原韻

絕頂高無極青冥入太微行遊晴日麗風景暮花飛飯夥羣
擎笠時寒警授衣眾懽疑逐虎烈火照山歸

一上鐘山頂羣山入眼來日高紅有暈雲翳白無限廟址尋
灰燼巖容逐我開久荒愁足繭蹉跌暮纔回

再疊原韻

振策秋山上途窮馬力微半厓懸壁立一葉遠天飛紅友呼
樽酒藍公悵甲衣紫陽尋洞隱日暮猶未歸

鐘山高不極我與客同來酒興兼詩興山隈復水隈二仙斜

日照八面鬱雲開未作登高賦樵人暮已回

仙人跌

一跌乾坤不記年仙人遺跡至今傳巖間接武指痕直石上
搥凹足印圓踢破紅塵埋古峽踏開綠水帳前川由來世事
風波險鴻爪雪泥此洞天

石筍

陰陽爲炭化工鑪劫火燒空總不枯客到餐霞清供足人逢
拾翠異香輸臺天壺崎開仙境驀地班聯入畫圖一卷詩囊
攜玉局參禪合有印師無

龔寨

雙冷齋詩集

卷四

南瑣吟

美

憑弔英雄屬我曹乘船快睹首頻搔巨天列寨飛難越
標龔姓不撓墳碣荒殘悲古木霸圖狡啟仗洵濤果然天險
常堪據涼國何從獲二毛

櫃子厓

何年櫃子巧安排絕處升高不可階半牘火磚封古穴獨留
木榭寄殘骸檣巢窟猶曩世瘴雨蠻煙觸旅懷寄語農民
驚不得桑田幾變作滄涯

壬辰冬令竊盜未靖予下鄉點團途次口占

中壩團

日方向午到中塘嘈雜期逢十一場團冊民圖都鬧過拳精

劍捷首吳郎

咸豐人前數年始移中塘

大路壩團

黔咸雜處而遠近同來應點願入團冊

後壩鄉多界插花禹王宮駐使君車不期團眾同來會川楚

願聯為一家

蛇蟠溪場

咸豐管

青溪一曲渡蛇蟠鼓柁脫輿行路難幸有烟商留我飯咸民

爭集睇黔官

茅壩團

未至其鄉望見然

不大鄉封楚界交無多人戶傍山坳停輿也自殷勤諭保甲

編聯勿溷淆

雙冷齋詩集

卷四

用瑣吟

三

黎水團

黃昏時場即傳論團約次日清晨伺候點練而日上三竿寂無一人

黎水鄉牌上下分下牌不似上牌勤平明無箇團丁應來點

空勞爾使君

其二

此老不知其姓名凌晨專來看官而予已行至半途攔輿么喝謂我專為看賢父母而來爾輿夫何

得徑行

前行冒雨鎖愁顏曉色蒼茫鳥道間野老突來攀折問好官

那不讓人關

大木團

人心齊集異於他鄉子喜為宣布

皇恩

僻遠無如大木楓斷崖絕壑路難通賴予地界稱清靜大合

樂來迎縣翁

老黃溪團

場市較鬧熱巨富張姓延有名師
湖北人楊姓故與論文不覺其久

山坳陟過老黃溪華屋當街可借棲武罷論文關帝寺夜深
直到月光西

白石關團

此處彭利交界最為繁
華故團練爲時頗久

白巖關近李家營聞我輿臨膽共驚傳諭多方無賴子清平
世界勿橫行

白鶴寺

沿途么店多開鴉片煙
館者故疎論一律清撤

層樓一簇跨虹橋白鶴團丁眾口囂爭問盜源何以止清窩
先儘撤煙寮

石會團

每牌首新製小方旗一面望
之如火曰采喜爲起鼓訓練

雙冷齋詩集

卷四

南瑣吟

亥

一個牌頭一面旗長竿血色映朝曦聽名都到斜岩寺
平分鬪健兒

柵山團

號褂兵仗多舊
年物頗覺生色

青紅鑲半舊時衣獵較荒郊雪打圍霹靂礮聲飛越處過山
鳥足壯軍威

紫陽洞

一穴兩開洞口風朝迎旭日晚來紅斷崖何處施搥鑿留得
空靈悟化工

石鐘

陡絕山高薄暮天雲封石寺倍蒼然有鐘莫大無聲扣底事

修成自在仙

石鼓

元音太始本無聲石破天荒鼓鑄成莫謂頑形徒具體春雷發處假之鳴

十月初十日恭祝

皇太后萬壽聖節於江西館

響徹山城報曉鐘從容輿馬拜恩濃九重近仰天高遠况隔雲山千萬重

雙冷齋詩集

卷四

南瑣吟

三

十月十四日恭祝

石鼓本無聲石破天荒鼓鑄成莫謂頑形徒具體春雷發處假之鳴

